

31.07.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 416262/05

ՎԱՐՉԱԿԱՆ ՎԱՐՈՒՅԹԸ ՎԵՐԱԿԱՆԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

29557 Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 31.07.2020 թվականի թիվ
վարչական իրավախախտման վերաբերյալ գործը,
ՊԱՐԶԵՑԻ

<<ՎԱՐԴԱԼ ՖԱՐՄ>> ՍՊԸ-ի տնօրեն Լիլյա Խաչատրյանը (ՀՎՀՀ՝ 01570878, հասցե՝ ՀՀ, ք. Երևան, Կենտրոն Մամիկոնյանց 62, բնակարան 118) ՀՀ Հարկային օրենսգրքի 156-րդ հոդվածի 5-րդ մասով սահմանված ժամկետում չի ներկայացրել 2019 թվականի ֆիզիկական անձանց եկամուտների և եկամտային հարկի մասին տեղեկությունները, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170⁶ հոդվածով:

Վարչական վարույթի շրջանակներում Լիլյա Խաչատրյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 02.06.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Փոստային ծառայության միջոցով հետադարձ ծանուցմամբ Լիլյա Խաչատրյանին կրկին ծանուցագիր է ուղարկվել՝ ՀՀ ՊԵԿ իրավաբանական վարչություն ներկայանալու, վարչական իրավախախտման վերաբերյալ գործի քննությանը մասնակցելու վերաբերյալ: Փոստային ծառայությունից նշված ծանուցագիրը Լիլյա Խաչատրյանը ստացել է 27.07.2020թ-ին:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացել է դիմում, այն մասին որ 2019 թվականի ֆիզիկական անձանց եկամուտների և եկամտային հարկի մասին տեղեկությունները օրենքով սահմանված ժամկետում չեն ներկայացվել, քանի որ կազմակերպությունը իրականացնում է դեղատնային գործունեություն վարձակալած տարածքում, սակայն տարածքը, որը վարձակալվել է պատկանում է <<ՔԱՆԱՔԵՌ ԶԵՅՐՈՒՆ>> բժշկական կենտրոն ՓԲ ընկերությանը, այլ ոչ թե ֆիզիկական անձին: Խնդրել է հաշվի առնել վերոգրյալը և չկիրառել վարչական պատասխանատվություն:

<<ՎԱՐԴԱԼ ՖԱՐՄ>> ՍՊԸ-ի տնօրեն Լիլյա Խաչատրյանի կողմից վերոնշված փաստի կապակցությամբ հիմնավորող փաստաթղթեր չեն ներկայացվել:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ <<ՎԱՐԴԱԼ ՖԱՐՄ>> ՍՊԸ-ի տնօրեն Լիլյա Խաչատրյանի կողմից ներկայացված 2019թվականի ընթացքում յուրաքանչյուր ամսվա եկամտային հարկի հաշվարկներում ներառված են վարձավճարներ 50000ՀՀ դրամ գումարի չափով, հետևաբար ընկերությունը պարտավորություն կրում է ներկայացնելու 2019 թվականի ֆիզիկական անձանց եկամուտների և եկամտային հարկի մասին տեղեկությունները:

Այն փաստը, որ Լիլյա Խաչատրյանի կողմից մեկ տարվա ընթացքում կրկին անգամ կատարվել է իրավախախտում, որի համար արդեն ենթարկվել է վարչական տույժի (20.03.2020թ. թիվ 403854/03 որոշում), սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 49-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

1. Լիլյա Խաչատրյանի վերաբերյալ հարուցված թիվ 29557 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 170⁶ հոդվածի Լիլյա Խաչատրյանի նկատմամբ կիրառել վարչական տույժ՝ նշանակել տուգանք 15.000 (տասնհինգ հազար) դրամի չափով:

ԻՐԱՎԱՐԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ